

**CONVENIO DE COLABORACIÓN ENTRE A AXENCIA TURISMO DE GALICIA E O
CONCELLO DE ARBO PARA MELLORAR O ACONDICIONAMENTO DO ENTORNO
FLUVIAL DAS PESQUEIRAS**

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia ten previsto formalizar co Concello de Arbo o instrumento convencional arriba referido por un período de vixencia que abrangue dende a súa sinatura ata o 30 de novembro de 2016.

Que o instrumento convencional ten por **obxecto**:

establecer as bases de colaboración entre a Axencia Turismo de Galicia e o concello de Arbo para realizar actuacións complementarias ás xa realizadas para acondicionar e mellorar notablemente o entorno do mirador da Pesqueira “Raña de Muiños”

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- Que a Axencia Turismo de Galicia, é o órgano ao que lle corresponde o exercicio, entre outras, das competencias en materia de promoción e ordenación do turismo dentro da comunidade.

A Axencia Turismo de Galicia ten, entre os seus obxectivos básicos, levar a cabo accións de potenciación de recursos turísticos, polo que, entre as súas prioridades, está a de contribuír á realización de actuacións que impliquen a consecución deste obxectivo.



Segundo.- No territorio galego comprendido entre Salvaterra do Miño e o concello de Crecente, é dicir, no chamado curso baixo do río Miño, cunha lonxitude aproximada de 25 km eríxense maxestuosas e indelebles unas construcións líticas sobre as marxes fluviais do Miño. Estas son, as pesqueiras ou pescos.

As pesqueiras son construcións únicas situadas a ambos lados do río Miño en forma de paralelepípedas de pedra que penetran no cauce fluvial dende as dúas ribeiras e cúa función é a de capturar distintas especies piscícolas, basicamente salmón, lamprea e sábalo. O río Miño chegou a ter unas 700 pesqueiras. Na actualidade consérvanse unas 400.

As “pesqueiras” ou “pescos” de Arbo son muros de pedras paralelas que se adentran na auga en diagonal ou batería á corrente da auga. Estas obras contruídas a base de sillares graníticos alineados paralela ou oblicuamente ao curso do río orixinan as correntes que facilitarán o camiño a seguir polos peixes. O conxunto constructivo componse de varios corpos chamados “poios” que deixan entre eles unos callexóns estreitos, entre os que se ubicarán unas redes cónicas. Das pesqueiras ou pescos fálase xa en documentos do século XII, aínda que, probablemente, moitas delas remóntanse á época romana.

Investigadores relacionados co urbanismo, a etnografía ou a ecoloxía avogan en Arbo por conservar as pesqueiras e darlles a máxima protección, como un dos elementos claves para preservar o valor da lamprea da zoa.

As pesqueiras forman parte da arquitectura tradicional de Galicia, pero tamén, son parte duns determinados valores culturais e sociais. Valores que constitúen unha identidade propia, facendo do Baixo Miño unha zona única e rica en cultura popular.

Moito máis alá da realidade cultural, tradicional e social das pesqueiras, estas construcións líticas son a realidade física da paisaxe fluvial do Baixo Miño. A integración das pesqueiras é tal, que mesmo asemellan abrazar ao pai Miño.

Galicia conta cun rico patrimonio construído, tradicións que se perden na historia e elementos etnográficos e da vida social do pobo galego que identifican unha cultura propia de gran riqueza.

A importancia que o turismo ten para a economía galega xustifica a aposta por investimentos destinados a promoción do turismo na nosa Comunidade, que precisa



asemade de execución de obras de conservación e de posta en valor turístico do seu rico patrimonio cultural.

Por canto se veu de expor anteriormente as pesqueiras do Miño representan un legado de incalculable valor histórico, pero tamén un elemento vivo e en uso que achega a súa dimensión cultural unha outra dimensión económica e social.

Por todos os valores citados anteriormente, as pesqueiras son merecedoras dun óptimo estado de conservación, considerando de vital importancia o acondicionamento de dita zona fluvial para impulsar e promocionar o turismo no Baixo Miño.

Terceiro.- Os artigos 193.1 b) e 195 h) da Lei 5/1997, do 22 de xullo, de Administración local de Galicia establecen que as entidades locais galegas e a Xunta de Galicia axeitarán a súa actuación ao principio de colaboración mediante a subscripción de convenios. A tal efecto, as partes intervenientes acordan unir os seus esforzos para acadar o obxectivo sinalado. Por iso, e a fin de levar adiante o proxecto de acondicionamento do entorno fluvial das pesqueiras, é necesaria a concorrencia de medios e achegas de ámbalas dúas partes interesadas, polo que é preciso determinar o contido de dita cooperación.

Cuarto. A través deste convenio, outórgase ao Concello de Arbo unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores e que dificulta a súa convocatoria pública, de conformidade co previsto no artigo 26.2a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.





XUNTA
DE GALICIA

galicia

E para que conste, asíñase esta memoria, en Santiago de Compostela
A xerente de Turismo de Galicia

M^a Elena Barca Ramos

